

# LA BIBLA – Pled da Dieu als carstgauns

## Tge è la Bibla?


Il pled “Bibla” deriva dal pled grec “Ta biblia” e vul dir: **Il cudesch**.

La Bibla è il cudesch ch’è vegnì stampà il pli savens sin quest mund e translata bunamain en tut las linguas, per che tuts la sappian leger e chapir. Ella è per nus cristifidaivels il pli impurtant e pli custaivel cudesch. Nus numnain la Bibla perquai **“Sontga scartira”**.

La Sontga scartira è il pli impurtant cudesch, betga ma perquai che Dieu discorra en quella, mobain perquai ch’ella cuntegn la discipziun dal pli impurtont eveniment ch’è succedì insacura en il mund.

La Bibla raquinta dal agir da Dieu cun ils carstgauns. L’emprema part raquenta da la stgaffiziun e dal pievel d’Israel. Quella part numnain nus **“Veder Testament”**.

La secunda part, il **“Niev Testament”**, ans raquenta da Jesus e sia legraivla nova.



# **La Bibla**

- **è il pli renumà cudesch dal mund**
- **è il pli impurtant cudesch per tut ils cristifidaivels**
- **han ins translata en las pli bleras linguas**
- **ha la pli lunga tradiziun da tut ils cudeschs**
- **cuntegn in'entira biblioteca**
- **è l'istorgia dal Veder Testament**
- **è l'istorgia da la lia tranter Dieu e ses pievel elegì**
- **è l'istorgia dal Nov Testament**
- **è l'istorgia da la lia tranter Cristus e tut ils carstgauns**
- **è il cudesch che vegn il pli savens legì**
- **ha fascinà numerus picturs**
- **ha inspirà numerus componists**
- **ha captivà nundumbraivels scrivents**
- **ha survì sco model per blers films**
- **è agid per blers carstgauns**
- **vegn anc a fascinar TAI !**

## Il vair paun per la vita

En ina terra lontana vegnivan ils critifidaivels persecitads en ina moda barbarica.

Igl era schizunt privel da mo posseder ina Bibla.

Sche la polizia vegniva en chasa e chattava ina Bibla, lura stuevan ins far quint da vegnir mess en praschun u schizunt vegnir truà a la mort.

La famiglia dal caluster na saveva betg viver senza quel cudesch custaivel e sontg.

Per ella muntava la Bibla il paun da mintgadi, senza quel na saveva ella betg viver.

In di tut nunspitadamain arrivavan dus retschertgaders.

Per cletg ha la mamma vesì or da la fanestra che dus umens esters vegnivan encunter sia chasa.

Tge vulain pomai far ?

La mamma fageva gist paun. La pasta per in paun steva bain rasada sin maisa. En prescha prenda la mamma la Bibla, rolla quella bain en la pasta e stauscha tut en furn.

La mamma po strusch finir sia lavur, ch'ìls umens èn gia en cuschina.

Els contolleschan fitg bain l'entira chasa e quai da sisum fin giudim

Ma per cletg na chattan els betg la Sontga scartira !

L'auter di metta la mamma il paun cun en la Bibla sin maisa. Tuts han grondas mirveglias co che la Bibla savess vesair or.

Tge surpraisa !

La Bibla è dal tutfatg cumpleta, sco sch'ella na fiss betg stada en furn.

Ussa chapeschan tuts : La Bibla è il vair paun da la vita. Sco ch' il paun da mintga di nutrescha ils carstgauns, uschia nutrescha il pled da Dieu, legì mintga di, forsa ina vita cun Dieu u senza Dieu.

Dapi quel di ha la Bibla adina in plaz dad onur en chasa dal caluster.

A tuts che visitan sia chasa raquinta el cun legria da quel eveniment uschè miraculus.